

Na osnovu člana 16.stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 21. sjednici, održanoj dana 18.09.2019.godine, d o n o s i

ZAKLJUČAK

I.

Prihvata se Mišljenje Ministarstva za prostorno uređenje, promet i komunikacije i zaštitu okoline, po Inicijativi poslanice Sanje Renić, koja se odnosi na donošenje Odluke kojom bi se svim institucijama, preduzećima i ustanovama čiji je osnivač Zeničko-dobojski kanton zabranila nabavka, prodaja i besplatno uručivanje građanima plastičnih flaša, kao i korištenje istih na sjednicama Skupštine Zeničko-dobojskog kantona i čini sastavni dio ovog zaključka.

II.

Zaključak sa Mišljenjem Ministarstva za prostorno uređenje, promet i komunikacije i zaštitu okoline broj: 12-23-11336-1/19 od 29.08.2019. godine upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/19

Datum, 18.09.2019. godine

Z e n i c a

PREMIJER
po ovlaštenju

Mirnes Bašić

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,
1x Stručna služba Skupštine,
1x a/a.



Broj:12-23-11336-1/19
Zenica, 29.08.2019.godine

U skladu sa članom 111. i 112. Poslovnika Skupštine Zeničko-dobojskog kantona («Službene novine Zeničko-dobojskog kantona», broj: 7/12 i 12/13, 7/18, 14/18) i aktom Vlade Zeničko-dobojskog kantona broj: 02-1-14-11336-1/19 od 17.07.2019. godine, Ministarstvo za prostorno uređenje, promet i komunikacije i zaštitu okoline daje sljedeće:

MIŠLJENJE

Na 11. sjednici Skupštine Zeničko-dobojskog kantona održanoj 09.07.2019. godine, poslanica Sanja Renić je pokrenula inicijativu koja se odnosi na donošenje Odluke kojom bi se svim institucijama, preduzećima i ustanovama čiji je osnivač Zeničko-dobojski kanton zabranila nabavka, prodaja i besplatno uručivanje građanima plastičnih flaša, kao i korištenje istih na sjednicama Skupštine Zeničko-dobojskog kantona.

U obrazloženju inicijative poslanica Sanja Renić ističe kako želi pokrenuti proces zabrane nabavke, prodaje i uručivanja odnosno korištenja plastičnih flaša u svim institucijama Zeničko-dobojskog kantona.

Ministarstvo za prostorno uređenje, promet i komunikacije i zaštitu okoline na navedenu inicijativu daje sljedeće mišljenje:

Na osnovu odredbi Zakona o upravljanju otpadom («Službene novine Federacije BiH» broj:33/03, 72/09) federalni ministar okoliša i turizma je donio Pravilnik o upravljanju ambalažom i ambalažnim otpadom kojim su propisana pravila upravljanja ambalažom u proizvodnji i prometu i uslovi sakupljanja i ponovnog korištenja i odlaganja ambalažnog otpada.

Odredbe ovog Pravilnika se odnose na svu ambalažu koja se stavlja na tržište i sav ambalažni otpad koji je nastao u industriji, zanatstvu, maloprodaji, uslužnim djelatnostima itd.

U sistemu upravljanja ambalažom i ambalažnim otpadom učestvuju mnogobrojni subjekti: Federalno ministarstvo okoliša i turizma, Fond za zaštitu okoliša Federacije BiH, proizvođači ambalažnog materijala, uvoznici, punioci i pakeri, distributeri, trgovci, potrošači itd. Uloge pojedinih učesnika u upravljanju ambalažom i ambalažnim otpadom su jasno definisane ovim Pravilnikom.

Iz navedenog je sasvim jasno da Odluka o zabrani korištenja određene vrste ambalaže na području neke lokalne zajednice nije provodiva, zbog čega je i inicijativa o zabrani korištenja plastične ambalaže, u ovoj formi, apsolutno neprihvatljiva.

Potrebno je i naglasiti da poslanica u dostavljenoj inicijativi o zabrani korištenja plastične ambalaže u institucijama čiji je osnivač Zeničko-dobojski kanton nije ponudila odgovarajuća alternativna rješenja

Iz svega navedenog proizilazi da se inicijativa o zabrani korištenja plastične ambalaže u ovoj formi ne može prihvatiti i realizirati.

Dostavljeno:
2 x Stručna služba Vlade kantona
n/r premijera, n/r sekretara
1 x a/a

MINISTAR


Arnel Isak



